



## **Cuaca panas dijangka sehingga Isnin depan**

Oleh Farah Marshita Abdul Patah - Mac 14, 2023 @ 2:36pm  
farahmarshita@bh.com.my

KUALA LUMPUR: Jabatan Meteorologi Malaysia (METMalaysia) menjangkakan cuaca panas melanda semenanjung, terutama di bahagian utara, sehingga Isnin depan.

METMalaysia dalam ciapan di Twitter hari ini memaklumkan, keadaan cuaca dijangka kurang hujan dan boleh mengakibatkan suhu lebih panas.

Ketua Pengarah METMalaysia, Muhammad Helmi Abdullah bagaimanapun berkata, ribut petir dan hujan lebat berserta angin kencang dijangka masih berlaku di kawasan pedalaman dan barat Semenanjung, Sabah dan Sarawak di sebelah petang hingga ke malam dan berpotensi berlanjutan sehingga awal pagi.

"Orang awam adalah dinasihatkan untuk sentiasa merujuk laman web [www.met.gov.my](http://www.met.gov.my) dan semua media sosial serta memuat turun aplikasi myCuaca bagi maklumat yang terkini dan sahih," katanya.